



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Երևան-0015, Մ. Խորենացու 3, 7

22.03.2024թ.

Որոշում թիվ 642-2023/01-Ո-1
Վարչական ակտն անվավեր ճանաչելու վերաբերյալ

ՀՀ պետական եկամուտների կոմիտեի նախագահի տեղակալ Արթուր Մանուկյանս՝ քննելով «ԿՈՖԵՄՈԼ» ՍՊ ընկերության /ՀՎՀՀ՝ 00205845/ տնօրեն Ժորա Փանոսյանի վերաբերյալ վարչական իրավախախտման վարույթի նյութերը՝

Պարզեցի

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 11.07.2023թ-ի թիվ ԱՀ 109143 հանձնարարագրի հիման վրա արգելանք է կիրառվել «ԿՈՖԵՄՈԼ» ՍՊ ընկերության /ՀՎՀՀ՝ 00205845/ բանկային հաշիվներում առկա դրամական միջոցների վրա, բանկային հաշիվներում առկա դրամական միջոցների անբավարարության հիմքով արգելանք է կիրառվել ընկերության դրամարկղում առկա կանխիկ դրամական միջոցների վրա, ինչպես նաև ընկերությանը պատկանող այլ գույքի վրա:

ՀՀ պետական եկամուտների կոմիտեի իրավաբանական վարչությունում, ղեկավարվելով ՀՀ հարկային օրենսգրքի 431-րդ հոդվածի 12-րդ մասով, Վարչական իրավախախտումների վերաբերյալ ՀՀ օրենսգրքի 254-րդ, 255-րդ և 182.6-րդ հոդվածներով, հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու հատկանիշներով «ԿՈՖԵՄՈԼ» ՍՊ ընկերության /ՀՎՀՀ՝ 00205845, պետ. գրանցման համար՝ 271.110.1082052, հասցե՝ ք. Երևան, Դավթաշեն, Ձորի 2 թղմ., 34, էլ. հասցե՝ norayr.accountingservice@mail.ru/ տնօրեն Ժորա Փանոսյանի /ՀԾՀ՝ 1604930896, նույն. քարտ՝ 015157852, տրված՝ 29.08.2023թ-ին, 008-ի կողմից, հասցե՝ ք. Երևան, Դավթաշեն, Ձորի 2 թղմ., 34/ վերաբերյալ հարուցվել է վարչական իրավախախտման վարույթ: Մասնավորապես՝ Ժորա Փանոսյանը չի կատարել հարկ վճարողի գույքի վրա արգելանք դնող պաշտոնատար անձի կողմից 13.09.2023թ-ին կազմված և փոստային ծառայության միջոցով 11.11.2023թ-ին ծանուցված գրությամբ առաջադրված պահանջները: Այն է՝ գրությամբ նշված ժամկետում չի ներկայացրել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ դրամարկղային գիրքը:

Փաստի կապակցությամբ 04.12.2023թ-ին հարուցվել է վարչական վարույթ և Ժորա Փանոսյանին ծանուցվել է այդ մասին:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 25.12.2023թ-ին ժամը 11:00-ին և վարչական իրավախախտման գործի քննությանը 26.12.2023թ-ին ժամը 10:00-ին մասնակցելու նպատակով Ժորա Փանոսյանին

փոստային ծառայության միջոցով պատշաճ ծանուցում է ուղարկվել, որը փոստային ծառայությունից հետ է վերադարձվել 20.12.2023թ-ին:

Ծանուցագիրը 21.12.2023թ-ին ուղարկվել է էլեկտրոնային փոստի «norayr.accountingservice@mail.ru» հասցեին, որի միջոցով Ժորա Փանոսյանը ծանուցվել է 22.12.2023թ-ին, սակայն վերջինս չի ներկայացել, չի ներկայացրել որևէ բացատրություն և պահանջվող տեղեկություններ, ուստի վարչական իրավախախտման վերաբերյալ 25.12.2023թ-ի թիվ 642-2023/01-Ա արձանագրությունը կազմվել է Ժորա Փանոսյանի բացակայությամբ:

«ԿՈՖԵՄՈՒԼ» ՍՊ ընկերության /ՀՎՀՀ՝ 00205845/ տնօրեն Ժորա Փանոսյանի կողմից 25.12.2023թ-ին ժամը 16:19-ին ՀՀ ՊԵԿ պաշտոնական էլեկտրոնային փոստի «secretariat@petekamutner.am» հասցեին ներկայացվել է դիմում առ այն, որ վերջինս առողջական խնդիրներ ունենալու պատճառով (Կորոնավիրուս) 04.12.2023թ-ին կազմված թիվ 642-2023/01 ծանուցագրով վարչական իրավախախտման գործի քննության համար նշանակված ժամկետում՝ 26.12.2023թ-ին ժամը 10:00-ին չի կարողանալու մասնակցել վարչական իրավախախտման գործի քննությանը, ուստի խնդրել է վարչական իրավախախտման գործի քննության համար նշանակված օրը տեղափոխել:

25.12.2023թ-ին կազմված թիվ 642-2023/01 ծանուցագրով վարչական իրավախախտման գործի քննության օրը տեղափոխվել է 29.12.2023թ-ին ժամը 10:00-ին, որի վերաբերյալ Ժորա Փանոսյանին ծանուցվել է էլեկտրոնային փոստի «norayr.accountingservice@mail.ru» հասցեի միջոցով 27.12.2023թ-ին:

Պատշաճ ծանուցված լինելով 29.12.2023թ-ին նշանակված վարչական իրավախախտման գործի քննության վայրի և ժամանակի մասին՝ Ժորա Փանոսյանը կամ վերջինիս ներկայացուցիչը չի ներկայացել:

Վերոգրյալի կապակցությամբ ՀՀ պետական եկամուտների կոմիտեի նախագահի 1-ին տեղակալ Արտյոմ Սմբատյանի 29.12.2023թ-ի թիվ 642-2023/01-Ո որոշմամբ Ժորա Փանոսյանի /ՀՎՀ՝ 1604930896, նույն. քարտ՝ 015157852, տրված՝ 29.08.2023թ-ին, 008-ի կողմից/ նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասի համաձայն կիրառվել է վարչական տույժ՝ նշանակվել է տուգանք 250.000 ՀՀ դրամի չափով: 29.12.2023թ-ին կայացված թիվ 642-2023/01-Ո որոշումն ուղարկվել է փոստային ծառայության միջոցով /LO116597164AM/, որը փոստային ծառայությունից հետ է վերադարձվել «Չի պահանջվել» նշագրմամբ:

«ԿՈՖԵՄՈՒԼ» ՍՊ ընկերության /ՀՎՀՀ՝ 00205845/ տնօրեն Ժորա Փանոսյանի կողմից 30.12.2023թ-ին ՀՀ պետական եկամուտների կոմիտե է ներկայացվել թիվ Դ/55447-2023 դիմումը, որով հայտնել է, որ թեև 25.12.2023թ-ին կազմված ծանուցագրով վարչական իրավախախտման գործի քննության համար նշանակված օրը՝ 29.12.2023թ-ին ժամը 10:00-ին ներկայացել է ՀՀ պետական եկամուտների կոմիտե ծանուցագրով նշված /ք. Երևան, Կոմիտաս, Արաբկիր 35/ հասցեով, սակայն գործի քննության իրականացման հասցեի վերաբերյալ թյուրիմացության հետևանքով նշանակված ժամին փաստացի հնարավորություն չի ունեցել մասնակցել վարչական իրավախախտման գործի քննությանը: Ներկայացված դիմումով Ժորա Փանոսյանը միաժամանակ խնդրել է վարչական իրավախախտման գործի քննության օրը տեղափոխել 09.01.2024թ-ին:

«Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները, միաժամանակ, նույն

օրենքի 38-րդ հոդվածի 1-ին մասի համաձայն՝ վարչական մարմինը վարչական վարույթի ընթացքում պարտավոր է վարույթի մասնակիցներին և նրանց ներկայացուցիչներին հնարավորություն տալ արտահայտվելու վարչական վարույթում քննարկվող փաստական հանգամանքների վերաբերյալ:

Հիմք ընդունելով ամբողջ վերոգրյալը և հաշվի առնելով այն, որ թեպետ «ԿՈՖԵՄՈԼ» ՍՊ ընկերության /ՀՎՀՀ՝ 00205845/ տնօրեն Ժորա Փանոսյանը չի մասնակցել վարչական իրավախախտման գործի քննությանը, որի արդյունքում վերջինիս նկատմամբ 29.12.2023թ-ին կայացված թիվ 642-2023/01-Ո որոշմամբ կիրառվել է վարչական տույժ, այդուհանդերձ Ժորա Փանոսյանը վարչական իրավախախտման գործի քննությանը մասնակցելու նպատակով փաստացի ներկայացել է ՀՀ պետական եկամուտների կոմիտե, սակայն հնարավորություն չի ունեցել արտահայտվելու վարչական վարույթում քննարկվող փաստական հանգամանքների վերաբերյալ, ուստի՝ ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ, 38-րդ, 63-րդ հոդվածի 1-ին մասի «բ» կետով, 65-րդ հոդվածով, Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244²-րդ, 281-րդ հոդվածներով՝

ՈՐՈՇԵՑԻ

Համաձայն «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «բ» կետի և 65-րդ հոդվածի՝ «ԿՈՖԵՄՈԼ» ՍՊ ընկերության /ՀՎՀՀ՝ 00205845/ տնօրեն Ժորա Փանոսյանի նկատմամբ վարչական տույժ կիրառելու մասին 29.12.2023թ-ին կայացված «Վարչական իրավախախտման գործի վերաբերյալ» թիվ 642-2023/01-Ո որոշումը ճանաչել անվավեր:

3/22/2024

X



ԱՐԹՈՒՐ ՄԱՆՈՒԿՅԱՆ

Signed by: MANUKYAN ARTUR 3801690067

ԱՐԹՈՒՐ ՄԱՆՈՒԿՅԱՆ

Ծանոթություն. Սույն վարչական ակտը ստորագրված է «Էլեկտրոնային փաստաթղթի և էլեկտրոնային թվային ստորագրության մասին» Հայաստանի Հանրապետության օրենքով սահմանված կարգով՝ էլեկտրոնային եղանակով: Վարչական իրավախախտումների վերաբերյալ ՀՀ օրենսգրքի համաձայն Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հասցեատիրոջն իրազեկելուն հաջորդող օրվանից և ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով: